

# LEWALITABA

Leselinyana la Lekhotla la Taolo ea Motlakase le Metsi Lesotho



TSE KA SEHLOOHONG:

Litefiso tsa motlakase  
tsa 2019/20  
lia phatlalatsoa 6

## KA KHATISONG ENA...

**3** WASCO e etsa kopo ea tlhahlobo-bocha ea litefiso, Sechaba se nonyoa maikutlo

**12** Boloka motlakase ka lifuthumatsi tsa metsi tse sebetsang ka motlakase oa letsatsi

**14** Matona a SADC a beha kapele merero ea mantlha ea motlakase - New Era Live

# Uena u tseba ha kae ka LEWA?

Ka Lefapha la Litaba tsa Basebelisi ba Litšebeletso le Khokahano, Lekhotla la Taolo ea Metsi le Motlakase Lesotho (LEWA) le ikemiselitse ho hlaloseisa sechaba ka mosebetsi oa lona holim'a taolo ea litaba tsa motlakase, metsi le likhoerekhoere. E le ho fihlela kotleho boikemisetsong bona, Lekhotla le sebelisa mekhoea e mengata ea ho buisana le sechaba. Mehlala ke ka likoranta, liea-le-moea le telefishini.



**Bakeng sa litlhalosetso tse pharaletseng, u ka fapohela Lesotho Electricity & Water Authority**  
7 Floor, Moposo House, Kingsway, Maseru, Lesotho

Tel: +266 22 312479 Fax: +266 22 315094 Email: [secretary@lewa.org.ls](mailto:secretary@lewa.org.ls) Website: [www.lewa.org.ls](http://www.lewa.org.ls)



## LEWALITABA

LEKHOTLA  
LA TAOLO EA  
MOTLAKASE LE METSI

7 Floor, Moposo House, Kingsway  
Private Bag A315 • Maseru  
Maseru • Lesotho  
Tel: +266 22312479  
Fax: +266 22315094  
E-mail: [secretary@lewa.org.ls](mailto:secretary@lewa.org.ls)  
Website: [www.lewa.org.ls](http://www.lewa.org.ls)

MOOKAMELI  
Lebohang K. Moleko  
Email: [lmoleko@lewa.org.ls](mailto:lmoleko@lewa.org.ls)

MOOKAMELI OA LEFAPHA LA  
LITABA TSA SECHABA  
Shao Khatala  
Email: [skhatala@lewa.org.ls](mailto:skhatala@lewa.org.ls)

OFISIRI EA LITABA TSA SECHABA  
Sebusi Khanyela  
Email: [skhanyela@lewa.org.ls](mailto:skhanyela@lewa.org.ls)

LEWA LITABA ke leselinyana la Lekhotla la Taolo ea Motlakase le Metsi. Le hatisoa ka Senyesemane le Sesotho. Le fuoa batho bohle ba nang le thahasello litabeng tsa Lekhotla.

Maikutlo a hlahang leselinyaneng ha se a Lekhotla. Lipapatso tse hlahang ka ho lona ha se tse supang maikutlo a Lekhotla.

Litaba tse hlahang ka ho lona li ka hatisoa ntle le tefello ha feela ho ngoloa hore li tsoa ho LEWA LITABA. Re ipiletsa hore batho ba eelloe hore ho nka nakoana ho etsetsa, ho tlosa le ho etsa liphetoho lethathamong la batho ba fumanang LEWA LITABA.

Boqapi © LEWALITABA 2019

# TSE KA HARE

## MOLAETSA KA MOOKAMELI

Liqeto mabapi le litefiso tse ncha tsa LEC 2

WASCO E ETSA KOPO EA TLHAHLOBO-BOCHA EA LITEFISO,  
sechaba se nonyola maikutlo 3

## LITEFISO TSA MOTLAKASE

tse 2019/20 lia phatlalatsoa 6

## MOFUMAHALI MOKHOSI

oa fonanisoa 8

## MALEBELA MABAPI LE HO BOLOKA

motlakase malapeng mariha 10

## BOLOKA MOTLAKASE U SEBELISA LIFUTHUMATSI TSA METSI

tse sebetsang ka motlakase oa letsatsi 12

## MATONA A LINAHA TSA SADC A BEHELLA KAPELE

merero ea mantlha ea motlakase - New Era Live 14






Babali ba khabane,

**R**ea le amohela khatisona ena ea pele ea Leselinyana la selemo sa lichelete sa 2019/20. Khatiso ena, e tla nakong eo Lekhotla la Taolo ea Motlakase le Metsi Lesotho (LEWA) le phethetseng tokomane ea Moralo oa Tšebetso o mocha oa Selemo sa 2019/20-2023/24 e leng leeto la bohlokoa le reretsoeng ho tlo isa Lekhotla lena pele.

Ka khatiso ena u tla natefelo a ke ho bala litaba tse buang ka lefapha la metsi le motlakase Lesotho. Khatiso ena e kenyelelitse Kopano ea K'hamphani ea Metsi le Likhoere-khoere (WASCO) ea nyollo ea litefiso tsa selemo sa lichelete sa 2019/20 le mabaka a etsang hore e nyolle litefiso le methati e latetsoeng ho tsebisa ba kenyang letsoho litabeng tsa Litšebeliso tsa Metsi le Likhoere-khoere Metseng e Literopong (UWSS). Liqeto mabapi le litefiso tse ncha tsa K'hamphani ea Lesotho ea Motlakase (LEC) li ile tsa etsoa le mabaka a ileng a etsa hore LEWA e qetelle e nkile qeto ena li ile tsa phatlalatsoa.

## Molaetsa ka Mookameli

Joalokaha re kene nakong ea mariha, khatiso ena e fane ka malebela hore matlo a ka futhumetsoa joang mariha le ho le ellellisoa bohlokoa ba ho sebelisa lifuthumatsi tse sebetsang ka motlakase oa letsatsi kamoso. Ho kenya letsoho hoa sechaba litabeng tsa litefiso ho bohlokoa haholo le kopano ea matona a linaha tsa Ntšetsopele ea Moruo Afrika e Boroa SADC moo ho tšetsethiloeng mekhoha e mecha e tla sebelisoa molemong oa hore motlakase o lule o le teng ka linako tsohle tikolohong ena ea SADC le eona e hlalositsoe. U ka boela ua fumana leselinyana lena marang-rang a LEWA e leng [www.lewa.org.ls](http://www.lewa.org.ls) 

**Lebohang K. Moleko (Professor)**  
Mookameli





## WASCO e etsa kopo ea tlhahlobo–bocha ea litefiso, sechaba se nonyoa maikutlo

Lekhotla la Taolo ea Motlakase le Metsi Lesotho (LEWA) le qalile ho phatlalatsa kopo ea tlhahlobo-bocha ea litefiso ea K'hamphani ea Metsi le Likhoere-khoere ka la 02 ho isa la 31 Motšeanong 2019 kamor'a hore e etse kopo e joalo.

Phatlalatso ena e phatlalalitsoe khoeli kaofela ele ho tsebisa ba nang le kobo ea bohali litabeng tsa Litšebeletso tsa Metsi le Likhoere-khoere Metseng e Literopong (UWSS), eo e neng e batla maikutlo a ngotsoeng, letsatsi, nako le sebaka sa moo ho tlang ho tsoareloa lipitso teng.

WASCO ke e 'ngoe ea lik'hamphani tse laoloang ke Lekhotla, e fuoeng lengolo la tumello ea tšebetso ho latela karolo ea 50 ea molao oa Lekhotla la Taolo ea Motlakase (LEA) 2002 o hlomathisitsoeng. Kopo ea WASCO e ne tšehetsoa ke karolo ea molao ea 24 (3) ea Molao oa motheo ea LEA o hlomathisitsoeng.

K'hamphani e entse kopo ea hore litefiso li nyolloe ho fihlela ho linoko tse robeli le halofo (8.5%) tšebelisoeng le litefisong tsa metsi tse lefshoang khoeli le khoeli (Standing Charges) mekhahlelong eohle ea basebelisi ba metsi. K'hamphani e kopile hape Standing Charges sa basebelisi ba metsi e be M10.00 khoeli le khoeli Mokhahlelong oa A. Mokhahlelo ona ke oa batho ba sebelisang metsi a 0-5,000kl ka khoeli. K'hamphani e lakatsa hore e bokelle limilione tse 279.04 tsa maloti e tla etsoa ke limilione tse 246.25 tsa maloti tse tsoang litšebeletsong tsa metsi le limilione tse 32.79 tsa maloti tse bokelletsoeng litšebeletsong tsa likhoere-khoere.

### Likhakanyo tsa litefiso tsa WASCO

Mokhahlelo	Likhakanyo tsa litefiso
Basebetsi	M123.85 million
Motlakase	M33.96 million
K'hemi'hale	M10.65 million
Ho lokisa/ho nchafatsa thepa	M33.53 million
Lipalangoang le mafura	M15.26 million
Thepa e seng e lahlehetsoe ke boleng	M25 million

Ha a bua lipitsong, Mookameli oa Meralo oa WASCO, Monghali Pefole Pefole o ile a hlalosa hore k'hamphani ea bona e hloka ho ntlafatsa litšebeletso tsa metsi le likhoere-khoere. A boela a hlalosa hore k'hamphani ea bona e hloka ka tieo ho ntlafatsa litšebeletso tsa metsi le likhoere-khoere 'me kopo ea bona e tlo ba molemong oa ho ntlafatsa litšebeletso feela. O ile a hopotsa sechaba se neng se tlile pitsong hore WASCO ha e fumane litsieane ho tsoa ho 'muso. K'hamphani e hela e itlamela litabeng tsa tšebetso ea eona ea letsatsi le letsatsi le ha ho lokisa/ho nchafatsa thepa e seng e se maemong a matle. O tsoetse-pele a bolella sechaba hore WASCO e fumana litsieane feela sebakeng sa ho qala morero. Tafole e katlase e bontša litefiso tsa morero mekhahlelong eohle ea basebelisi ba metsi.



Monghali Pefole Pefole, Mookameli oa Meralo  
WASCO a hlalosa likateng tsa Kopo

Likhakanyo tsa litefiso						
	Litefiso tse ntseng li sebelisoa (Per kl)		Litefiso tse khothalalitsoeng (2019-20)		Litefiso tse ncha (Per kl)	
	Litefiso tsa metsi (M/m <sup>3</sup> )	litefiso (M/K)	Litefiso tsa metsi (M/m <sup>3</sup> )	Litefiso tsa khoeli le khoeli (M/K)	Litefiso tsa metsi (M/m <sup>3</sup> )	Litefiso tsa khoeli le khoeli (M/K)
<b>Basebelisi ba metsi malapeng</b>						
Mokhahlelo oa A (0-5m <sup>3</sup> )	5.38	0.00	5.58	10.00	8.5%	100.00%
Mokhahlelo oa B (5-10m <sup>3</sup> )	9.12	43.03	9.65	45.81	8.5%	8.5%
Mokhahlelo oa C (10-15m <sup>3</sup> )	16.04	43.03	17.15	45.81	8.5%	8.5%
Mokhahlelo oa D (>15m <sup>3</sup> )	22.12	43.03	23.75	45.81	8.5%	8.5%
<b>Basebelisi bao eseng ba malapeng</b>						
'Muso le Likolo	14.60	286.51	15.82	310.86	8.5%	8.5%
Lifeme le Likhoebo	14.60	413.85	15.82	426.83	8.5%	8.5%
Likolo	14.47	286.51	15.69	310.86	8.5%	8.5%
Litsi tsa bolumeli	14.47	206.93	15.69	213.42	8.5%	8.5%
Lipeipi	7.29	0.00	7.29	0.00	0.00%	0.0%

Moralo oa pitso		
Letsatsi	Sebaka	Nako
08 Motšeanong 2019	Butha-Buthe: Crocodile Inn Hotel	09:00 am
09 Motšeanong 2019	Leribe, Hlotse: Mountain View Hotel	09:00 am
28 Motšeanong 2019	Mokhotlong: Mokhotlong Hotel	09:00am
16 Motšeanong 2019	Thaba-Tseka: Mohale-oe-Masite Hotel	09:00 am
21 Motšeanong 2019	Qacha's Nek: New Central Hotel	09:00 am
23 Motšeanong 2019	Mohale's Hoek: Hotel Mount Maluti	09:00 am
05 Motšeanong 2019	Quthing: Fuleng Guest House	09:00 am
07 Motšeanong 2019	Maseru: Victory Hall	09:00 am

Mr. Nkareng Letsie oa Boemeli ba basebelisi ba Litšebeletso tsa Metsi Metseng e Literopong (UWSS) bo ne bo pharetse ebile bo le bohlokoa. Har'a bona, ho ne ho le teng morena, lihlopha tsa batho ba ikemetseng joaloka, Mokhatlo o Sireletsang Bareki (CPA), Mokhatlo oa Basebetsi ba Lifeme Lesotho (LTEA), le Babuelelli ba Likhoebo tse Kholo le Lifeme (LCCI). Kaofela ha mekhatlo ena e ikemetseng e ile ea hlalisa maikutlo holim'a kopo ena.

Monghali Nkareng Letsie oa CPA o ile a hl'a hanana ka matla le nyollo ea litefiso tsa metsi ka le reng e tlo eketsa bothata holim'a bo se ntse bo le teng ba tlhokahalo ea lichelete ho ba nang le kobo ea bohali ka lebaka la ho putlama ha moruo. O boetse a eketsa ka hore keketso ea 8.5% ho basebelisi ba metsi mekhahlelong eohle le ho eketsa ka M10.00 sebakeng sa tefiso ea khoeli le khoeli Mokhahlelong oa A ho sekisetsa basebelisi ba kojoana li mahetleng ba seng ba ntse ba sitoa ho fihlella litlhoko tsa bona tsa letsatsi le letsatsi. O tsoetse-pele ho khotaletsa hore, hore WASCO e nyolle chelete eo e e bokellang ka selemo, e lokela ho thibela tahlehelo e kholo e bang teng ea

metsi ka lebaka la lipeipi tse phahlohang. Hape e lefise basebelisi ba metsi ba unang molemo mahala ba fepeloang ke lipeipi tsa metsi tsa letamo la Metolong tse fetang metseng ea Thaba-Bosiu le Ha Motloheloa. Ha a eketsa holim'a likhothaletso tseo li neng se ntse li entsoe, LTEA ele lentsoe la basebetsi ba lifeme le bahoebi, e ile ea hlalosa ka mokhoa o hlakileng haholo ngongoreho ea bona holim'a nyollo ea litefiso tsa selemo le selemo ho sa natsoe maemo a hloabaesang a moruo. Mokhatlo o ile oa hlalosa hore litho tsa 'ona li tobane le 'maraka oa machaba o tetemang 'me ba setse ba se na boikhethelo ntle le ho fokotsa basebetsi ba bang 'me hafeela boemo bona bo ntse bo tsoelapele bo tla susumetsa hore mosebetsi o fele neng kapa neng. "Ka lebaka lena le a mang a mangata, mokhatlo o khotaletsa hore litefiso tsa WASCO e be 0%," a rialo Mofumahali 'Malikhabiso Majara ho tsoa mokhatlong oa LTEA.

Mofumahali Victoria Qheku, moemeli oa baahi ba Ha Abia, o bontšitse hore WASCO e etse bonnete ba hore ba tlosa lipeipi tsa asbestos 'me e ntlafatse khokahanyo ea phepele ea metsi le likhoere-khoere. O ne a sa cheche khotaletsong ea hore khakanyo ea litefiso tse lokelang ho lefshoa Mokhahlelong oa A li feliso hape k'hamphani bonyane e nyolle ka bobeli litšebeletso tsa metsi le likhoere-khoere ka 6.5%. Ho ahella holim'a lintlha-kemo tsa hae, baahi ba ile ba fana ka lengolo ho Lekhotla le neng le bontša ho khotsofalla litšebeletso tse tsoileng matsoho tseo ba li fumanang. Mathata a tsoahanyetso ao ba nang le kobo ea bohali litabeng tsa Litšebeletso tsa Metsi le





Mofumahali 'Malikhabiso Majara a teka lehlakore la LTEA ka Kopo ea nyollo ea litheko tsa WASCO.

Likhoere-khoere Metseng e Literopong (UWSS) ao ba bontšitseng ba kopana le 'ona lipitsong tsohle har'a 'ona ke (1) phepelo ea metsi e khaohang (2) ho lieha ho lokisoa ha lipeipi tse phahlohileng tsa metsi le (3) litefiso tseo e seng tsona. Ho arabela lintlha tsena, WASCO e hlalositse hore mehloli e ntseng e fumaneha ea metsi e qephile 'me le matamo a manyane ho anela tlhoko ea sechaba se bonahalang se eketseha ka sekhahla se phahameng metseng e literopong. Joalokaha libaka tsohle li amehile, baahi ba amehileng ka ho fetisisa ke ba Leribe le Butha-Buthe. Boholo ba libaka tse literekeng tse ileng tsa hloka metsi nako e isang selemong 'me baahi ba ne ba noa metsi a tsoang lilibeng tse sa sireletsoang hape ba utsoa metsi bosiu

metseng e haufi ka nako ea komello. WASCO e tsoetse-pele ho hlalosa hore e na le merero e sebetsanang le ho kenya lipeipi tsa metsi joaloka Phepelo ea Metsi metseng e mabalane (Lesotho Lowlands Water Supply) e reretsoeng ho tlisa tharollo tabeng ea leqeme la metsi metseng e literopong. Morero o mong ke Lesotho Mountainous Region Sanitary Project, e reretsoeng ho akofisa khokahanyo ea likhoere-khoere literekeng tse ka maloting.

Ho kenya letsoho hoa basebelisi ba metsi lipitsong ho ne ho khotsofatsa. Katleho ea eona e bonahetse haholo ka hore e tlise ponaletso hape ho ne ho kenyelelitsoe mafapha ohle a sechaba ■



## Litefiso tsa motlakase tsa 2019/20 lia phatlalatsoa

**K**a la 18 'Mesa 2019, Lekhotla la Taolo ea Motlakase le Metsi Lesotho (LEWA) le ile la tsoarela baphatlalatsi ba litaba 'moka mabapi le qeto holim'akopo ea tlhahlobo-bocha ea litefiso tsa K'hamphani ea Motlakase Lesotho (LEC) ea selemo sa lichelete sa 2019/20. Mothating ona o latela oo ho ona ho ileng hoa nyakureloa Kopo ena 'me ba nang le kobo ea bohali ba ile ba fuoa monyetla oa ho fana ka maikutlo a bona.

Kopo ena ene e hloka tumello ea hore k'hamphani e bokelle chelete e kaalo ka bilione tse 1.075 tsa Maloti selemong sa lichelete sa 2019/20 e tla fihleloa ha ho ka eketsoa litefiso ka 14.2% Litefisong tsa Motlakase le Litefisong tsa Sekhahla se Holimo sa Tšebeliso ea Motlakase (Maximum Demand). Har'a mabaka a susumelitseng hore e etsoe kopo, LEC e bontšitse hore e ile ea lokela ho koala litjeo tsa motlakase o rekoang ka bongata (haholo-holo o tsoang kantle ho naha), litjeo tsa tšebetso ea letsatsi le letsatsi, litjeo tsa thepa e khutlisoang le e lahlehetsoeng ke boleng.

Ha le phatlalatsa qeto ea lona, Lekhotla le ile la bolela hore le ananetse taba ea hore ha ho no eketsoa litjeo selemong sa lichelete sa 2019/20 hohang Litefisong tsa Motlakase le Litefisong tsa Sekhahla sa Tšebeliso e Holimo ea motlakase mekhahlelong eohle ea basebelisi ba motlakase. Ka tsela e tsoanang, litjeo sebakeng sa khokelo, tlhahlobo ea khokelo, ho tsoela-pele ho hlaloba khokelo ea marang-rang a motlakase hore na a nepahetse, ho hlalobisisa, ho fana ka tumello ea hore khokelo ea marang-rang e nepahetse, ho hlaloba mithara le hore ntlo ha e eketsoa ha ho phaello/ patala.

Lekhotla le ile la phatlalatsa hape hore ho tla ba le keketseho ea litjeo bophelo bohle sebakeng sa basebelisi ba motlakase malapeng ka mekhahlelo e 'meli. Oa pele e tla ba basebelisi ba rekang motlakase oa li-units tse 0-30 (kWh) o rekoang ka M0.7273/ kWh. Mokhahlelo oa bobeli ke oa basebelisi ba rekang tse 30 ho ea holimo tse rekoang ka M 1.4782/ kWh. Lekhotla le tseotse-pele ho bontša hore pokello ea LEC

ea selemo sa lichelete sa 2019/20 e tla ba limilione tse 901.48 tsa Maloti (ho e-na le limilione tse 1.075 tsa Maloti joalokaha k'hamphani e kopile).

Ho ipapisitsoe le mabaka a tekiloeng kapele ho Lekhotla ke k'hamphani le sechaba, Lekhotla le fumane mabaka a ho nyolla ka 14.2% Litefisong tsa Matla le Litefisong tsa Sekhahla sa Tšebeliso e Holimo ea motlakase e se ntho e molaong ho latela melao le melaoana e tsamaisang LEWA.

Lekhotla le ile la hlokomela hore ho hlalisa taba ea litjeo tsa ho reka motlakase o rekoang ke batho ba kobo li mahetleng e ile ea hlomathisoa ka 2015 'me molao oa Lekhotla la Motlakase Lesotho (LEA) oa 2002 o hlomathisitsoeng le melaoana ea tsamaiso ea LEA ea tlhahlobo ea litjeo tsa motlakase le sebopeho sa litefiso tsa 2009.

Lekhotla ha ntse le shebisisa mabaka ao LEC e a tekileng hore e nyalise litefiso tsa theko ea motlakase hore e tsebe ho fihlela libilione tse 1.075 tsa Maloti ka selemo litefisong tsa Matla le Sekhahla se Holimo sa Tšebeliso ea motlakase li tla lokela hore li eketsoe ka 17.0654%. Ho feta mona, pokello ea k'hamphani ea selemo sa lichelete sa 2019/20 e ne ele limilione tse 901.48 tsa Maloti 'me hore e fihleloe, litjeo li tla theoha ka -1.9116% sebakeng sa Litefiso tsa Matla le Litefiso tsa Sekhahla se Holimo sa Tšebeliso ea motlakase ntle le ho etsa hore basebelisi ba motlakase ba kojoana li mahetleng ba theoleloe litefiso tsa theko ea motlakase.

Sechaba se ne se memetsoe hoa kenya letsoho liphuthehong ka tsela e latelang:

Moralo oa lipitso		
Letsatsi	Sebaka	Nako
13 Hlakola 2019	Mokhotlong: Mokhotlong Hotel	09:00am
14 Hlakola 2019	Leribe, Hlotse: Mohlapape Guest House	09:00 am
20 Hlakola 2019	Qacha's Nek: New Central Hotel	09:00 am
21 Hlakola 2019	Mohale's Hoek: IEMS Hall, Mohale's Hoek	09:00 am
06 Hlakubele 2019	Thaba-Tseka: Mohale-oa-Masite Hotel Hall	09:00 am
14 Hlakubele 2019	Maseru: Victory Hall (Mojalefa Lephole Convention Centre)	09:00 am

Lihlopha tsa baemeli tsa basebelisi ba motlakase tse kenyeletsang har'a tsona Mokhatlo oa Basebetsi ba Lifeme Lesotho (LTEA) le Mokhatlo o Sireletsang Bareki (CPA) li hlalositse hore li ne li khotsofalletse geto e fihletsoeng ka ha ho ne ho ipapisitsoe le maemo

a sa jeseng litheohelang a moruo. Litefiso tse ncha li kentsoe tšebetsong ka la 01 Motšeanong 2019. Litafofana tse latelang li bontša litefiso tse ananetsoeng tsa Matla le Litefiso tsa Sekhahla se Holimo sa Tšebeliso ea motlakase le basebelisi ba motlakase malapeng.

Litefiso tsa LEC tse ananetsoeng tsa selemo sa lichelete sa 2019/20								
Mekhahlelo ea Basebelisi ba motlakase	Litefiso tsa motlakase tsa 2018/19 (M/kWh)	% tse a nanetsoeng	Litefiso tsa motlakase tse ananetsoeng (M/kWh)	Keketso ea letlole ho bareki @ M0.0423/kWh	Keketso ea letlole motlaseng oa metseng @M0.02/kWh basebelisi bamotlakase ba sebelisang o mongata le @ M0.035/kWh le ba bang	Litefiso tsa mapomela tsa motlakase tse ananetsoeng	Litefiso tse ntseng libelisoa likenyelelitse letlole	% tsa mapomelo tsa tse ananetsoeng tsa nyollo ea litefiso
Lifeme HV	0.1936	0.0002%	0.1936	0.2359	0.2559	0.2559	0.2559	0.0001%
Lifeme LV	0.2144	0.0002%	0.2144	0.2567	0.2767	0.2767	0.2767	0.0001%
Likhoebob HV	0.1936	0.0002%	0.1936	0.2359	0.2559	0.2559	0.2559	0.0001%
Likhoebob LV	0.2144	0.0002%	0.2144	0.2567	0.2767	0.2767	0.2767	0.0001%
Mesebetsi e akaretsang	1.5835	0.0002%	1.5835	1.6258	1.6608	1.6608	1.6608	0.0002%
Malapeng	1.4009	0.0002%	1.4009	1.4432	1.4782	1.4782	1.4782	0.0002%
Mabone a khantsang literateng	0.7952	0.0002%	0.7952	0.8375	0.8725	0.8725	0.8725	0.0002%
Malapeng	0.6500	0.0002%	0.6500	0.6923	0.7273	0.7273	0.7273	0.0001%

Litefiso tse ananetsoeng tsa LEC tsa Maximum Demand tsa selemo sa lichelete sa 2019/20			
Mekhahlelo ea basebelisi ba motlakase	Litefiso tsa Matla le tsa Tlhoko 2018/2019 (M/kVA)	Liphetoho tsa linoko (%)	Litefiso tse ananetsoeng tsa Litefiso tsa Matla le tsa Tlhoko (M/kVA)
Lifeme HV	272.7953	0.0002%	272.7957
Lifeme LV	318.6317	0.0002%	318.6322
Likhoebob HV	272.7953	0.0002%	272.7957
Likhoebob LV	318.6317	0.0002%	318.6322

(Lipalo tse Tafoleng ea Pele le ea Bobeli ha li'a kenyeletsa letlole). HV: Matla a motlakase a holimo LV: Matla a motlakase a fokolang

Litefiso tse ncha tse ananetsoeng sebakeng sa basebelisi ba motlakase malapeng			
Mekhahlelo oa basebelisi ba motlakase	Sebopeho se khotlhalitsoeng ke LEWA	Likateng	Litefiso tse khotlhalitsoeng li kenyelelitse letlole
Malapeng	2 Block-Increasing Block Tariff	Block 1: 0-30kWh	0.7273
		Block 2: above 30kWh	1.4782

(Lipalo tse Tafoleng ea Pele le ea Bobeli ha li'a kenyeletsa letlole)



Bookameli ba LEC ba nka lintlha tsa mabaka a lebisitseng ho fumana keketseho ea letho.

## Mofumahali Mokhosi oa fonanisoa

**K**a thabo le nyakallo e kholo Maseru, Lekhotla la Taolo ea Motlakase le Metsi Lesotho (LEWA) le ile la etsa mokete oa ho fonanisa mofumahali 'Malehlohonolo Ntaoleng Mokhosi ka la 7 Phupu 2019.

O tlohetse mosebetsi LEWA a e-ea phomolong kamor'a ho sebetsa lilemo tse leshome le metso e mehlano (15). E ne ele Mookameli oa Lefapha la Lichelete, Khiri le Tsamaiso.

'M'e Ntao joalokaha a ne a tloaelehile ho bitsoa kateng, e ne le Mongoli le Mohlophi oa Libuka tsa Lichelete (Chartered Accountant (CA)). Ke 'm'e oa bana ba babeli. Ka lentsoe le monate ba litsoere o ile a ema ka sebete sohle a bina sefela se reng, Ke thabile ke ratoa

ke Ntate. Ha a bua moketeng oo, o ile a fetisa liteboho tse khethehileng ho Molimo ka seo a mo entseng sona ka lilemo tseo a sebelelitseng LEWA ka tsona. "Ha ke hetla morao moo re tsoang, ke sheba moo re leng teng hajoale ke utloa ke le motlotlo ka seo ke se fihletseng. Ke ikutloa ke le motlotlo ho siea Lekhotla lena le bangoli le bahlophi ba libuka tsa lichelete ba itsetseng 'me ke tšepo eaka hore ho tla nne ho tsoele-pele hoba joalo," a rialo Mofumahali Mokhosi.

Basebetsi-'moho le eena ba ile ba mo lakaletsa katleho le mahlohonolo leetong la hae le lecha la bophelo 'me ka linako tsohle ba tla lula ba hopotsana ka linako tse monate tseo ba bileng le tsona le eena. Lekhotla le ile la mo lakaletsa bophelo bo tletseng thabo, khotso, le bokamoso bo chabileng bo nang le nala ■



Mofumahali 'Malehlohonolo Mokhosi a leboha basebetsi mmoho le eena.





“Ha ke hetla morao moo re tsoang, ke sheba moo re leng teng hajoale ke ikutloa ke le motlotlo ka meoloane eo ke e fihletseng. Ka ho khetholoha ke siea LEWA ka boemo bo hloekileng ba libuka.”

'M'e 'Malehlohonolo Mokhosi a nkile limpho ho tsoa ho basebetsi mmoho



Mofumahali 'Malehlohonolo Mokhosi ka jeresi e khubelu le basebetsi mmoho.

## Malebela mabapi le ho boloka motlakase malapeng mariha

**O** mong oa mesebetsi e meholo ea Lekhotla la Taolo ea Motlakase le Metsi Lesotho (LEWA) ke ho sireletsa lithahasello tsa basebelisi ka mekhahelo eohle ea bona. Leano lena le nkiloe ho tsoa molaong oa Lekhotla la Motlakase Lesotho (LEA) o hlomathisitsoeng.

Ntlha ea bohlokoa ea ho netefatsa tsireletso ke ka ho fana ka thuto ho basebelisi. Karolong ena ea leselinyane, basebelisi ba thabisitsoe ke mokhoa o bobebe o bileng o le theko e tlase oa ho boloka mofuthu malapeng nakong ea mariha.

Ho futhumatsa matlo ho ja ho feta linoko tse mashome a supileng lekholong (70%) ea motlakase o sebelisoang katlung. Leha re fokotsa palo ena, ha ntse re futhumalitse malapa ka tsela e hlokahalang, sena

ha se theole fela litjeo tsa motlakase empa se boetse se thusa ho fokotsa moea o silafetseng hore batho ba o heme oo linaha tsohle tse ntseng li thuthuha li lebeletsoeng ho li fihlela. Bothata bo bang teng ba ho se khone ho futhumatsa matlo ka linako tsohle nakong ea mariha bo ka ba bohlokoa leha ho le joalo ha se litharollo tsohle tse lokelang hoba thata kapa li be litjeo tse holimo. Joale malepa a bobebe a ka sebelisoang ho futhumatsa matlo ekaba ka litjeo tse tlase, sebakeng sa linako tseo ho batang haholo-holo.

### Sebelisa mofuthu oa letsatsi

Mofuthu oa letsatsi ke mahala. Bula likharetene hore mahlaseli a letsatsi a tle a chabele katlung ele ho sebelisa mofuthu ona oa mahala. Ha ho fifala li koale, motsotsong ona tsona likharetene tseo li se li fetoha



Sebelisa mekhoe e bolokang chelete ho futhumatsa matlo mariha.



mokhoa o motle oa ho thibela mofuthu o katlung ho tsoela kantle. Etsa bonnete ba hore ha ho masobana kapa letho le ka ntšang moea kapa ho lumella moea o batang ho kena. Sena se thusa hape ho fokotsa hore ntlo e se ke ea lahla mofuthu. Bula lifensterere tse ka lehlakoreng le ka Boroa ele ho lumella mocheso oa letsatsi ha letsatsi le chabile. Kampetsa lifensterere ka lintho tse tla etsa hore mocheso o seke oa tsoa katlung. U ka kenya le *ceiling* e le ho thibela mofuthu ho tsoa le marulelong, 'me hape ha li amehe haholo ke letsatsi hape li ka nka lilemo tse leshome li ntse li sebelisoa mariha ntle le ho reka tse ling. Ha u sa batle li-shade, kenya likharetene tse boima tse thibelang tahleho ea mofuthu.

### Behela thepa ea hao nako ha u futhumatsa

Etsa hore sefuthumatsi sa hau sa metsi se itaete bonyane metsotso e mashome a mararo hoseng pele uena u ka tsoha empa ka mocheso o tlase ho fokotsa litjeo ho feta ha uena u e besa ka mocheso o holimo ha u tsoha. Sena ke hobane sefuthumatsi sa hao sa metsi se sebelisa mocheso o sa nyoloheng kapa ho theoha leha u e behetse 20°C kapa oa 30°C, se ke ua etsa phoso ea ho e siea u e laetile letšoare lohle ka mocheso o tlase kaha u tlo lefella mocheso oo u sa u hlokeng.

### Eketsa thepa e kampetsang

Ha re tla litabeng tsa mofuthu, linoko tse 25 lekholong (25%) tsa mofuthu li lahleha ka ho tsoa le marulelong. Hona ho ka fokotsoa ka hore kenngoe lithapo tsa bolele ba lisentimithara tse mashome a mabeli a metso e mehlano (25cm) tse sireletsang thepa ea motlakase tlas'a marulelo. Ho boetse ho bohlokoa ho hlahloba mabota a ntlo ea hao hobane karoloana ea boraro ea mofuthu ntlong e sa kampetsoang e lahleha ka ho tsoa le maboteng.

Leha e le mona ho le litjeo li phahameng ho sireletsa ntlo ea hao, ho kenya thepa e bolokang mofuthu kahare ho mabota (cavity wall insulation) e ka u bolokela haholo litjeong tsa mofuthu. Kenya thepa e bolokang mofuthu lifenstereng (interior window insulation) u sebelisa limithara tse tharo (3m). Thepa

ena e bolokang mofuthu lifenstereng e ka kopanngoa le lishades kapa likharetene.

### Sireletsa mofuthu

Haeba u na le tanka ea metsi a futhumetseng, netefatsa hore e sireletsehile ka tsela e nepahetseng. Hona ho tla thusa hore metsi a lule a futhumetse nako e telele 'me litjeo tsa ho futhumetsa li fokotsehe. Ho kenya thepa e bolokang mofuthu tankeng ea metsi e neng e se na thepa e joalo, ho ka fokotsa litjeo tse ngata, 'me le ho phahamisa boemo ba tanka ea hao ea khale ho ka u thusa ho boloka chelete.


### Fokotsa lipalo mochining o laolang mocheso

Ho fokotsa lipalo mochining o laolang mocheso ka kharata e le 'ngoe (1°C), ho fokotsa litjeo tsa mofuthu ka linoko tse leshome lekholong (10%). Kahoo, lula u behile lipalo tsa mocheso ho likharata tse leshome le metso e robeli (18°C). Boloka chelete 'me u qobe maemo a bosula a lelapha le batang.

### Kenya *lithermostatic radiator valves*

Ho kenya mochini o laolang mocheso ho melomo ka ho boloka motlakase ka linoko tse mashome a mane lekholong (40%) ha ho bapisoa le matlong a se nang mochini o joalo. E sebetsa ka hore e lumela ho iphelela mofuthu ka linoko tseo u ipheletseng tsona 'me u tla sebelisa motlakase hafeela ho hloka hahala. Mechini e mecha e tsoetseng pele e ka laetosa motho a le thoko le eona ka mochini o monyane oo motho a ka tsamaeang ka oona e le hore u ka khona ho laeta mofuthu u le tseleng e eang hae molemong oa hore ha u fihla, u fumane ho futhumetse hamonate.

### Ntlafatsa mochini oa hao o belisang metsi

Haeba mochini oa hao o belisang metsi o na le lilemo tse fetang tse leshome, mohlomong ke nako ea hore u reke o mong o tsoetseng pele. Ho ipapisitsoe le mochini oa hao le ntlo ea hao, u ka boloka chelete haholo ka mochini oa maemo a phahameng haholo o sebelisang motlakase o fokolang ho fana ka mofuthu o ntseng o lekana. Hape, haeba o mocha, u keke ua tsoenyeha ha nako ea mariha e fihla 



## Sebelisa lifuthumatsi tsa motlakase oa letsatsi

**E**le ho ba le Lefapha la Phepelo ea Motlakase la moshoelella, Lekhotla la Taolo ea Motlakase le Metsi Lesotho (LEWA) le khothaletsa bohle ba nang le kobo ea bohali ho sebelisa mekhoe eohle e teng ea matla a inchafatsang katlase mona ke menyetla e teng ea ho sebelisa lifuthumatsi tsa metsi tse sebetsang ka motlakase oa letsatsi le hore na li ka sebetsa joang e le mekhoe e meng ea ho boloka motlakase.

Ho sebelisoa motlakase o mongata hahoho ho futhumatsa metsi malapeng. Haele hantle, linoko tse leshome le metso e robeli lekholong (18%) tsa motlakase li sebelisoa ho futhumatsa metsi. Ho ka etsahala hore ho fokotsoe tšebeliso ea motlakase le litšenyehelo tse tsamaeang le eona ka ho sebelisa mokhoa oa ho futhumatsa metsi ka motlakase oa letsatsi.

Mokhoa o joalo ha o hloke mafura ebile o nka matla letsatsing ho futhumatsa metsi. Kahoo, o boloka chelete eleng oona molemo o moholo oa ho futhumatsa metsi ka motlakase oa letsatsi. Matla a letsatsi ha a na litjeo tsa letho, hona ho bolela hore lik'hamphani tsa motlakase li keke tsa u lefisa letho.

### Melemo oa lifuthumatsi tsa motlakase oa letsatsi

Melemo ena ha e felle tabeng ea ho boloka chelete fela empa.

- Khetho ea boholo kapa bonyenyane; boholo bo nepahetseng bo bohlokoa hobane beng ba malapa ba hloka ho boloka metsi a lekaneng molemong oa ho arabela boholo ba litlhoko tsa bona tsa metsi a chesang. Bongata ba metsi a bolokoang le bona bo lokela ho eloa hloko. Tanka e tšelang metsi a lilithara tse mashome a tšeletseng e lokile moo ho phelang batho ba bararo, tanka e tšelang lilithara tse mashome a robeli e loketse batho ba bane, ha e kholoanyane e ka hlokahala molemong oa batho ba tšeletseng;
- Sebaka se senyenyane: hangata matlapa a



Pontšo ea Solar geyser.

motlakase oa letsatsi ha a je sebaka se seholo joaloka matlapa a maholo a liphotovoltaic. Ke tse fokolang fela tse hlokahalang ho futhumatsa ho na le tse tloaelehileng tse sebelisoang malapeng;

- Tšebeliso e nepahetseng: linoko tse ka bang mashome a robeli lekholong (80%) tsa mahlaseli a letsatsi li fetoha mofuthu o hlokahalang ho boloka metsi a futhumetse lapeng;
- Poloko ea lichelete: litjeo tsa matlapa a mabeli kapa a mararo li tlase hofeta tse kholo tse tloaelehileng tse kenngoang malapeng. U boetse u boloka chelete ea mafura a khase e futhumatsang;
- Tlhokomelo e bobebe: kamora hore li kenngoe, ha li hlokomeloe kathata. Sefuthumatsi sa metsi se sebetsang ka motlakase oa letsatsi se ka sebetsa hofihlela lilemo tse mashome a mabeli;
- Li ntša khase e fokolang e silafatsang moea: lelapa ekaba sebaka se sa silafatseng moea: metsi a futhumatsoang ka motlakase oa letsatsi ke mokhoa o inchafatsang 'me o ka fokotsa khase e silafatsang moea.

### Lintlha tse lokelang ho eloa hloko pele ho kenngoa sefuthumatsi sa sebetsang ka motlakase oa letsatsi


- Na u na le sebaka se hlaheletseng le letsatsi moo u ka behang matlapa? U tla hloka bonyane sebaka sa boholo ba limithara tse hlano holim'a marulelo a hao se shebileng/hlaheletseng le bochabela ho

isa bophirima 'me se otloa ke letsatsi ka kotloloho boholo ba letsatsi. Hase setlamo hore matlapa a kenngoe marulelong, leha ho le joalo, a ka manamisoa holim'a letlapanyana marulelong a paqameng kapa a ka hako a leboteng.

- Na u na le sebaka moo u ka behang moqomo oa metsi a chesang o moholo? Haeba u so ka u kenya moqomo o nepahetseng, u tla tlameha ho ntša moqomo oa khale kapa u kenye moqomo o nepahetseng o nang le boseka ba motlakase oa letsatsi.
- Na sefuthumatsi sa hao sa metsi se sebetsang ka motlakase oa letsatsi seo u ntseng u se

sebelisa hajoale se tsamaellana le lifuthumatsi tsa motlakase oa letsatsi? Boholo ba lifuthumatsi tsa metsi li tsamaellana le motlakase oa letsatsi 'me haeba sefuthumatsi sa hao e le sa mofuta o lumellanang le motlakase oa letsatsi empa u se na tanka ea metsi a chesang, mokhoa ona oa ho futhumatsa ka motlakase oa letsatsi o keke oa sebetsa.

Motho ea koetlisitsoeng, ebile a e-na le mangolo a ho kenya lifuthumatsi tsa metsi, ke eena ea tla hlahloba ntlo ea hao a be a u thuse ho khetha mokhoa o nepahetseng o tla arabela litlhoko tsa hao □



**We rely on electricity to get on with our daily lives.** From the moment we wake up right through the day and down to sleeping time, electricity plays a big part in our day-to-day living. Hence, it is no surprise that when something becomes so familiar, we tend to forget how powerful and **dangerous** it can potentially be.



**Lesotho Electricity and Water Authority**  
has a mandate to ensure the safety of the public in relation to electricity supply and usage.

## Matona a SADC a behella kapele merero ea mantlha ea motlakase – New Era Live

**W**INDHOEK - Matona a Metsi le Matla a linaha tsa SADC a kopile linaha tsa tikoloho ho ikakhela ka setotsoana litabeng tsa merero ea mantlha ea motlakase e reretsoeng ho netefatsa kanetso ea phepelo ea motlakase.

Phuthehong ena e kopanetsoeng ea matona a tikoloho, ofisi ea bongoli ba SADC e ile ea laeloa ho fana ka tlaleho e hlakileng holim'a merero ea matla e ntseng e hlophisoa ke litsi tsa tlhophiso ea merero ea tikoloho. Matona a ile a laela ofisi ea bongoli ba SADC, e thusoa ke RERA ho hlahisa meralo e nepahetseng tlas'a RERA ho etsa le ho kenya tšebetsong maoala a makhotla mabapi le litaba tse ling tsa mafapha a matla a kang; mafura, khase le matla a ichafatsang tlas'a thomo ea eona e pharaletseng.

Phuthehong ena e neng e tsoaretsoe hoteleng ea Windhoek ka Labohlano, matona a linaha tsa SADC a ile a toboketsa boitlamo ba bona holim'a merero ea mantlha ea motlakase e reretsoeng ho netefatsa kanetso ea phepelo ea motlakase 'me ba ananela le ho fetisa SIEPP e le lenaneo le ntlafatsang tšebeliso e nepahetseng ea matla le mekhoha/litloaelo tsa paballo ea matla boemong ba lefapha. Matona a boetse a ananela mekhahlelo ea botho e meraro litsing tsa Phehlo ea Motlakase tikolohong e Boroa ho Africa (SAPP) eleng

*ea national power utility member, operating member le market participant member.*

Phuthehong ena ea matona e neng e menngoe ke 'muso oa Namibia, ho ne ho tlile matona a linaha tsa SADC ka boemeli ba bona ho hlaha naheng ea Angola, Botswana, eSwatini, Seychelles, South Africa, Tanzania, Zambia le Zimbabwe.

Ba bang ba neng ba le teng phuthehong e ne e le baemeli ho hlaha balekaneng ba machaba, mekhatlo ea Machaba a Kopaneng, balekane Ntlafatsong le boemeli ba bacha 'me phutheho e ile ea etelloa pele ke phutheho ea matsatsi a mararo ea liofisiri tse kholo ho hlaha mafapheng a matla le metsi.

Lefapheng la matla, lipuisano li ile tsa tsepama holim'a litaba tsa kanetso ea phepelo ea motlakase, ntlafatso ea thepa ea motlakase, tsoelopele holim'a liqeto tse entsoeng liphuthehong tsa matona tse fetileng. Phutheho ena ea matona e ile ea etsa tlhahlobo-bocha ea mananeo le merero ea motlakase boemong ba tikoloho, mananeo a mafura le khase, matla a inchafatsang le litaba tsa tšebeliso e nepahetseng ea matla, lenaneo la taolo ea lefapha la matla le kentsoeng tšebetsong ke mekhatlo le balekane ba machaba ba tšehetsang lenaneo la matla la SADC □

Metsi ke bophelo!

Ha hole joalo, metsi a keke  
a koaloe mafelong a beke,  
matsatsing a phomolo kapa  
ka Labohlano.

